

Jekabaara



World Vision

Cikela ceman n'a musoman kunnafoniseben
a be bo kalo o kalo

Jamana baarada la BP: 2043 Bamako (Mali)

2003/2004 baarasan labenw

be eoge di CMDT kono.

Île 3 -4-5

Dantigelikan

Mékabalo boko in kono n nisondiyalen haali nin jemukan in laseli la aw ma. An be samine nebilakalo de la nin ye. O b'a jira ko cikela kenyerefè bëe ka forolaben baaraw kéra ka ban foronçocew ; cikemisiw ni cikeminenw labenni, fo ka se sunugunnçö donni ma foro kono. An bëe labennen sa ka danni waatiw makonon.

An kóni ka fén kelen to an hakili la, o ye ko an man kan ka baara foyi ke lakoliden kofé. An k'an ka baara bëe ke ale ka kòlsoi n'a ka ladilikan hukumu kono.

An k'a to an hakili la ko lakoliden sigikun ye anw de ye. O kanma an ni ale man kan ka ke njogon fadenw ye. Ni ben sabatira a nema an ni lakoliden ce, o b'a to ale sigikun b'a kunbo. O b'a to fana anw ciklaw fana be soro ke k'an yere nafa, k'an yere nafa, k'an ka sigida nafa, ani k'an joyço fa jamana kono dunkafa sabatiliko la, an'an ka nafoloko banbanni.

N te segen k'a fo, ni jamana o jamana ye disiba ye, ciklaw de y'a disikolow ye. Nafasorofen tow (petoroli ; sanu...) be soro ka k'a joli taasiraw ye. Nka, o k'a soro cikela yere fana wasalen be n'a joyço o sankorotali ye. Hali bi, ne ni n njogon maa naniya numanw ka lanini ye fén min ye o ye cikela sell de ye k'a ka san balo soro. Soro ba ko te ; soronin ko te ; soro min be a tigi nafa ani ka maa wërew bë a nunma, o ye soro musaka cogobolodalen de ye.

Tumani Yalam Sidibe



**Mali goferenama ye jodaba di cikeduguw
ka netaawalew keli n'u basigili ma**

Île 7-10an

Banmarakakaw ye nata caran soro

en World vision ka joli

Île 8-9nan

"Kalan be mögo son hakili la, nka kunnafoni be mögo bë kunpan na". Yoro Ulen Sidibe

Folo Mali ani bi Mali

Folo, an ka maakorow ka fo la, Mali tun ye neema jamanaba ye. Kungobaw tun be yen, sogow ni waraw tun sicayalen be minnu kono ; kobaw ni kofoolombaw, ani dalabaw tun be fan bee ; awa senekedugukolow tun ka di haali. O waati ia, sanwolonwulajiginetigiw tun yeli te maa si kabakoya.

Dine tun ka di dere !

Bi, geleya ni baara keko juguya sababu la, nin folenw bee kene fora. Mali jamana min tun ye Afrika tilebinbolo jamanaw ka sumanjigineba ye, o de be kononafili la bi dunkafa sabatibaliyako la. Tijen don, kungobaw n'u konofew dogoyara, nka, hali bi dugukolo fensennen be de.

Ni yoro min te koori ni sumanw, ani jiridenw cikeyoro ye, i be t'a soro baji fensennen be yen malosene ni malo nofetenw seneni kanma. Mundun b'an bali ka segin kunu jiginebaya la ? Foyi were t'o ke ni baara kecogo te. Jamana neamaaw folo k'a don k'u be boli kunna u te min sonkan don, damantan u ma senye yiriwaliko k'u haminanko. Ye k'a nofekumaba dabila, k'a

waleyabere tigitigi ta. U ka senye yiriwali feerew tige fan bee, ani ka walew ke minnu be kungokonosigi diya a sigibagaw bolo. O koro ye k'u ka dugukolow laben u ye a neema ani ka taabolow sigi sen kan, minnu b'a to cikela be nafa soro a ka cikefenw n'a ka kungofew la.

Nka, a be i n'a fo ba ni batigi kantaalen. Ka ba bila sulu kono, o ye batigi ka wale keta ye, nka ba ka yere laben sulu kono, o ye ba yere kunko ye dere ! An ye fen o fen fo nin ye sisan jamana neamaaw ka ketako la, o bena fara cikela yere de ka cesiri kan walasa baara bolodalen be nesoro de-Bolonkonin sera ngoni focogo numan na cogo o cogo, i k'a don ko ngonikan duman be bo ngoni yere de da !

N'a y'an diya, anw malidenw, an be se ka sanga korelen soro dunkafa ni cike taabolo bee la jamana in kono. N'a y'an diya ! Maa te ke maa ye i yere ko. Nka, ni maa min y'i ban k'i sebe don i ka keta ma, i k'a don ko bocinyerela ye bokasalamine de ye de, hali n'a be kerefemaa werew fana tooro !

Tumani Yalam Sidibe

Kalo ladilikan

"Nin don in na, waraba minena jan na. A y'a yere sama cogo o cogo, o m'a bo jan na. O yere ye do de fara a sirili kan ka ja jan juruw ni nogn ce. Waraba haalo wulila. A yere dinena ni saya ye sa. O yoronin de la, ninanin do bora wo kono, tunin do koro. Ninanin ye waraba hinemine. Ka waraba new coronnen to a la, ninanin y'i ke waraba sennajuruw kan folo k'olu tige n'a ninw ye. A soro ka waraba kannajuruw fana tige n'a ninw y'o cogo kelen na. Waraba y'a yere lasama ka juru tow labin. A ye ninenin laje ni walenumandonni new ye.

A y'i kanto a yere kono ko : jaa ! Mogo kana jon mogo la, barisa bee makobee i dugumamogo la don bee !

N ye nin ladilikan in sama ka bo faransi ntaalenda laba ka seben do de kono, n'o ye Zan De la fonten ntaalentigi ye.

Ba karamogoba

Poyi ceya

Ni ko ma ke, ko te don
Ni ko ma don, ko te ye
Awa ni ko ma ye ko te ke !
Aw ma dine ye
A konokow be juwuli yoro min
U be dinelamini ke
Ka laban ka kunce o yoro kelen de la
Ceya ye monye
Ka monye don i la
Ani ka monye bo i la
Ka soro i ma yere malokasi ke
Maa werew koro.. Olu fana n'u kunko
Bee kunko y'i labo
O de kanma maa te maa werekunko ta
A te se a koro yere
A t'a nesoro yere
A t'a kun don a koro yere
Ce ka dimi furatigi berebere y'a yere de ye.
Aliferedi de wuni y'a fo dere :
"Ka kasi ; ka kinikinkan fo ; k'i yere makasi,
O bee ye fu ye
I ka dinenatige geleyaw lateme
ceya kono
I ka soro k'i ka saya ke danbe
kono
Fen bee ye fu ye
Geleyaminenyerela de nogn
fenbaa te !

Tumani Yalam Sidibe

Hakiliseneken

Ko hakili de be jo ke doyo ye. O ye tijen ye, barisa hakili ma fen o fen bange o fen te sangatigiya. Wolo de be saya ke. Nka saya ni wolo ce, foyi nafama te hakili ko !



Tumani Yalam Sidibe

2003/2004 baarasan labenw be cogo di CMDT kono.



Abudulayi Trawele

An be k'an sensen ka don samine kono. O de siratege la, an y'an senbo an yere koro ka se CMDT "DTDR" la. Yen, an ni Abudulayi Trawele ye masalasen sigi sen kan. Ale de be baarada kunna CMDT "DTDR" la, min sigikun ye sene yiriwali feerew tigeli ye ani cikela ka bonggolasiraw ladilikanw dili. Nininkali-jaa-biw la, Abudulayi ye fen minnu fo an ye, olu de file nin ye :

- **Nininkali** : Ayiwa ! an balimake Abudulayi Tarawele, e de ye CMDT cikeyiriwakow baarabolo nemaan ye, ani ladilikela ka nesin cike yiriwali taasiraw ma. O dun ye kuma kura ye jekabaara kalanbagaw bolo. O koson, an tun b'a fe i ka kuma an ye i ka baara taabolo kan.

- **Abudulayi Trawele** : Ne ka baara taabolo be boli fen danmadow kan. I komi i yere da sera a ma cogo min na, a taabolo folo be boli CMDT kono ciklaw ka senefenw yiriwali kan. O temenen kofe, fen min ye senekeminew ye, ka taa se nogow

ma, ka se posoniw ni pudurumu-guw ma, fen fen b'a to sene be yiriwa ani ka senefenw soro bonya, ne ka baara nesinnen don o fen danmadow de ma. O la, koori n'a nofe senefenw (senefen fen o fen bena fo koori ko foro kono), anw ka kan ka baara ke ciklaw fe o bee lajelen taasira fe. Folo folo, CMDT tun be baara caman were ke minnu te nin fen folen danma ye. An ka senekelakolidenw tun be ladilikanw di ciklaw ma baganko siratege la, u tun be ladilikanw di ciklaw ma ka nesin kenyako ma, fo ka se ji koronni ma malosene ni senefen werew seneni kanma. O temenen kofe, u tun be ladilikan di mogow ma ji saniyalen kun kan, minnu be soro ponekolenw la. Nin baara danmadow bee ye goferenama ka baara ketaw de ye, minnu waleyali tun kalifara CMDT ma. Nka, ninan baaran na, o baaraw bee bora CMDT kun, k'u bila baarada werew

nen don o senefen danmadow de seneni layiriwali ma bi bi in na. Sene te taa minen minnu ko, n'olu ye dabaw ; sariw ani nogow ni senekemisiw lasoroli ye ciklaw fe, an'u ladonko numan, an ka baara nesinnen b'o fana ma.

CMDT ka baara taabolo kura nesinnen be nin fen danmadow de ma. A tun be baara caman were minnu ke, olu bora a bolo, k'u ke baarada werew ka ketaw ye.

- **Nininkali** : *O diyara an ye. An be mekalo la nin ye. Iadalasira taabolo la an bara yan, Zuwenkalo de ye samine daminekalo ye. Yali aw ye laben jumenw ke koorisene ni a nofesenefenw kunkanko la, baaran nata o kono ?*

- **Abudulayi Tarawele** : O te baasi ye. Nka sanni an ka don baaran kura nata kono, a ka kan an ka do fo an ka ko lakolosilenw kan baaran temenen kono. Ka d'a kan, an y'a kolosi ko samine temenen



Koori ye senefen barikanmaba ye. Nka soro te sankorota nogo ni furakelli ko.

ka bolo kan. CMDT ka baara keta be dan koorisene ni koori nofe senefenw yiriwali de ma (no ; binbirri ; kaba). CMDT ka baara nesin-

geleyara kosebe. Fen danmadow de dun nana n'o geleyaw ye. Sanjiko geleya kera a folo-folo ye. A

A to beje 4nan

je 3nan tō

gelyea filanan kera tubabunogo deseli ye. Sabanan, o kera doboli ye koori songo la. Gelyea naaninan, o kera do farali ye tubabunogo songo kan. O fen danmado mana nogo soro samine kelen kono, an b'a fo k'o samine gelyara. O de kanma, an b'a fo ko baarasan temenen, an be min koori sannifeerre laban waatiw la sisan, k'a gelyara haali. Fen min ye baarasan kura nata ye, an be se k'a fo k'o fana be ka damine gelyea kono. An ye tubabunogo hake min jini, n'o b'an ka cikeyorow bee labo, an y'o kemtilada mugan (%20) doren de soro, ka se bi ma. An be wulikajo la walasa sanni samine ka don, tubabunogo ka soro ka cikeyorow bee labo. Nka, fen kelen fana be yen an hakili man kan ka bo min ko. An ka nogo fanba be na kodowarisira gelyaw don bi. A ninennama ka gelen fo k'a danmateme. Mobiliw te se ka n'a fe. Mobiliw be taa munumunu fo yoro jan de, kodowari ; Lome ; Burukina, ka soro ka don an bara mali kono yan. N'i ye jatemin k'o la, i b'a soro do farala o sira janya kan. An dun ka nogo ninin en bee jiginni tun be ke Abidjan (kodowari) gejida (pori) de la. N'a fora ko k'o bee lase an ma an ka sira folen in fe, o ye gelyaba ye. O yere de kanma, an sigilen be ni doonin farali ye an ka nogo songo kan ninan, n'o ye sira janyali musaka ye. O be ke ka da CMDT yere kono gelyaw kan. CMDT be koirimugu kilo kelen soro da min na, a t'o soro a feereda la. O kanma, CMDT te se ka musaka were ta. O kanma dooni bena fara nogo songo kan walasa k'an ka donini musakaw ta. O temenen ko, an y'an nesin senekeminenkow ma. Bee b'a don ko sisan, koorisenea bee b'i nesin bankiw de ma, ka taa juru ta walasa ka senekeminew san. Sariw koni be

an ka maraw kono. Dannikemasinw fana b'an ka maraw kono. Nka juru be don ni banki ka taabolo de ye sisan. An b'a jini cikelaw fe u k'u hakili t'o yoro la kosebe. Maa si kana i sigi belen ko i be CMDT ka juru makonon, ka d'a kan banki de be juruw don sisan, n'o ye BNDA ye. Cikela bee lajelen be teme BNDA ka sira de fe juruko la. Fen min ye bagandumuniko ye, an y'a ke cogo bee la walasa o soro hake min ye salonta daje, o hake ka se ka soro ka fara ninanta kan, k'o soro joona walasa an k'u lase u laseyorow la. O dun soro. Fen min ye ninanta yere ye, an ye seneen ci ka ban "Huicoma" ma, walasa a k'o lase an ma joona, an k'a lase duguw kono, k'a bila cikelaw ka bolo kan, walasa u b'u ka baganw balo a nema, k'u galabu don ka samine makonon. O b'a to cikelaw be baara damine kabini sanji folo binni. Samine te dower ye "sominjoona ko". Ni mogo min somina ka wuli joona, o tigi de be nafa soro samine na. O kofe an be dugawu ke fana. Ala k'an kisi sanjiko gelyea ma. Sanjiko ye fen ye an joyoro foyi te min neni n'a gelyali la. O be Ala de bolo. O kanma, an be dugawu ke Ala ka sanji nafama d'an ma baarasan nata samine kono. N'o kera, an miiri be koorihake min soro la, n'o ka kan ka caya ni ninanta ye, an b'o soro !

- Nininkali : I da sera CMDT ka baara ketaw ma. A tun be minnu bee ke. Nka baara kerenerennenw dir'a ma. yali i be se k'a fo an ye CMDT be seneen were minnu labara ka fara koorisene kan, sisan wa?

- Abudayi Trawele : ka fara koorisene kan, CMDT ka baara be tali ke koori nofe seneenw yiriwali kan : Sano ; binbiri (keninge) ani kaba. O temenen kofe, a yera ko sene te se ka taa misiw ko. O misiw ka balo seneen fana farala CMDT

ka baara ketaw kan.

- Nininkali : O doboli min kera CMDT ka baara ketaw la, yala i be se k'o kun fo an ye wa ?

- Abudayi Trawele : O kun te dower ye. A kolosira ko koori musaka bonyalen don koori ma. Koori de tun be baara tow bee musaka ta. Hali maloseneyow la, koori de tun be jisongo fan do ta. Fen min ye seneen werew ye, i n'a fo : so ; bene ; malo... CMDT de tun be wari bo ka t'o sumansiw san yoro were, ka na n'a ye, k'a dicikelaw ma. O bee tun be bo koori wari de la. A fora ko ka do bo koori ka doni tataw la, walasa a ka se k'i jo n'a yere ye. Baara be ka taa bolo min fe sisan, o b'a jira ko seneen bee ka se k'i jo n'a yere ye. U fen o fen doni be CMDT kun, a ka bo o kun, k'u da goferenama kun, walasa CMDT b'i nesin koori n'a nofe seneenw seneen ma.

- Nininkali : Kuma laban jumen b'i bolo ?

- Abudayi Trawele : An y'a lanini k'an ka kan ka fen o fen lase cikelaw ma samine nata baaraw keko numan kanma, an b'o bee lase u ma joona, walasa koorisene be k'a nema ani ka soroba k'a la. Koorisene ye baara ye min taablow sigiyoroma ka ca. A sigiyoroma kelen o kelen, k'a damine forolabonbaaraw la, ka taa se kooris ma, min be ben n'i ka yoro sanjhake ye. Ka d'a kan yoro sanji cayaw te kelen ye. Awa koorisew fana dilannen don ka ben yoro cogoya ma sanjiko siratege la. Koorisie bee te se ka ne yoro bee sanji koro. Fo cikelaw k'o de faamuya. An be min fo ka gelyea ka fara o kan, o de ye ko cikelaw k'u janto pudurumugu la. Puduru min be ke koirimugu la. cikelaw k'u jija k'o k'u ka koorisie la yanni u k'a dan. O b'a to koori ni fanga be wuli. Awa a be lakanda kabi a fitiinin. Fen min

A to beje 5nan

Né 4nan to

ye koori yere neni ye foro kono, i b'i jija k'a koro bin bee ce. An b'a jini cikelaw fe u bee k'u hakili to koori koro binw celi la. Nogo hake min fana fora ko k'o ke tari la, u k'u jija k'o k'a la. O b'a to u ka soro be sankorota. Fen min ye koorifurake ye, walasa koori tijenew kana se ka tijeni don u kun, u k'u sebe don o fana ma, u k'o furaw k'u kecogo la an'u kewaati la. Furakeli cogo be taa fo sigiyoroma saba la. Furakeli fob, o furaw be yen ; furakeli filan, o furaw be yen ; furakeli saban, o fana furaw be yen. Cikela bee lajelen k'u hakili to o yoro la. Koori tijenew te kelen ye. O kanma a kewaati bee n'a ka fura kerkenkerennen don. Koori, kabi a fitiinin, ka taa s'a kunbayali ma, ka taa s'a dentatuma ma, a tijenew te kelen ye.

N'an bora o la, an be se koorib o n'a ladonni ma. Koorisenenaw bee k'a

don, ko mogo min be taa ni koori numan ye sugu la, o de b'a nafaba soro. Koori numan, jeman, fen were te min na, min te koori ye. O de soro be CMDT ni Mali, ani cikelaw bee nafa. Hali koori be bo ni bore

min ye, an ka koori kisi o dafu ma. An b'a jini cikelaw fe u ka baara ke moniteriw ka baara nogo nya n'u ka kolosi kono. Olu be yen u kanma de.

Nininkali kebaa :
Tumani Yalam Sidibe

Abudulayi Trawele ko di farafinnogo nafa kan ?

An bee lajelen b'a don koori seneyorow la, ko sene te se ka taa nogo ko. An b'a fo min ma ko tubabunogo. Tubabunogo ye nogo numanba ye. Nka tubabunogo te meen dugukolo la. O de kanma an b'a jini koorisenenaw fe u ka farafinnogoko don barika la.

An b'an ka farafinnogo min dilan n'an ka werekonofenw ye. An b'a dow dilan n'an ka sunungunogo tolilenw ye. O farafinnogow, nogo foyi te yen min b'o bo, barisa u be meen foro la. Olu de be dugukolo mana segin a la a neema fana. Tubabunogo be senefer soro de yiriwa. Nka farafinnogo de be dugukolo mana lasegin a ma.

Nafaba de be farafinnogo la. An b'a jini bee lajelen fe, bee k'i sebe don farafinnogo dilanni ma. A be soro sankorota, awa a musaka ka dogo. An k'a don ko ni farafinnogo ni tubabunogo mana nogo soro foro o foro la, o soro be ke tabarikala ye.

N ka foli be cikelaw bee ye. Ala ka sanji nafama d'an ma samine nata kono.

Duguw ka sumanlamara

Koori seneyorow ye ja min lako-don 2002/2003 baarasan kono, o kera sababu ye ka geleya don sumansene na (Kaba ; sanjo ; keninge ani malo). Duguw ka san suman soro en t'u labo san kuuru kono. O duw ka sumanko geleya be dankari u ka san kura sene taabolo numan na. Ni fura telin ma jini a waati la, kongo be sigi o duw da la san fila fo san caman kono.

Duguw ka sumanlamara signira sen kan je nogo nya de kono, min temena CMDT ni senekelaw k' a lafasatonw



Usumani N Trawele

ce (Sikou ; Siwaki, SPCK . ANI SIPAMA, bnda fo ka se cikelaw ka soba ma (APCAM). O baarabolo kun de ye ka sumanw san k'u lamara duguw kono. A tilali be damine dugumogow ce k'a damine san 2002 zuwenkalo la. O b'a to, geleya be dabada fen o fen kan baloko siratege siratege la, olu ka suman soro nogo ya la u yere nagakoro, ka soro u ma taa baara ke mogo were ye yoro were, walima ka taama jan ke dogoduguw ni nogo ce suman ninini kanma.

Walasa ka baara in damine, CMDT ni senekelaw ka lafasatonw ye sefawari doreme miliyon 500 bila. Aw ka bolo kan. BNDA fana ye sefawari doreme miliyon 500 fara o kan. O be ben sefari miliyari kelen ma.

O warihake b'a to duguw caman ka nesoro, ka baara in sigi sen kan juru soro hukumu kono.

An be don min na i kobi, baara in taa bolo be nin cogo in de la

Suman min sanna ka se bi ma, o be maa 35000 balo kalo naani kono (zuwenkalo, Zuluyekalo, utikalo ani setanburukalo).

Aw ni APC minnu ye sumanw san, olu ka kan k'u furake ni fengenamafagalaw ye, walasa ka tijeni bali. U ka kan ka ladiliw jini Zayerikuntigii fe suman lamarenw furakelaw la. Sumanw tilali waati la, Aw man kan ka jine muso desebagatow ko. Nk'o n'a ta bee, ga kelen ka suman soro hake man kan ka teme a ka seko kan sarali waati la.

An ka Ala deli a ka samine numan d'an ma 2003/2004 baarasan kono walasa balo be soro ka dunkafa sabati duguw bee kono.

Usumani N Trawele
CMDT Kalanfakutigi
Boko nata kono aw bëna
balomara katimu ye

Cew bolokoli nafa

Kalo temenen boko kono, n da sera cemaninw ka siginegækoro nafa ma, n'o ye solomadenya taabolo ye. Nka, o jemukan kelen kono, n ye lahidu ta aw ye ko boko nata kono, n da bëna se solomadenya nafa belebele yere ma, n'o ye ceya danbe donni ye cemanin na, k'a laben ceyaminenw tali kanma. Anw bara yan, ninyoro te "bilakoro" la sigida kono ni maafemaaya te. Walasa ce ka nininka a feko la, walima ka joyoro d'a ma sigida taabolo ko'o k'o la, fa ka teme folo bolokoli murutigi senkor, n'o ye numuke ye. Ayiwa, hali dugutigibulon kono sige tun dagalen te bilakoro ye, kuma t'a keli y'o wolokan-sigibaga do ye. Solomabulon kono temeni de be ce bila kamalen bonya danbe kono. N hakili be Laji Umaru ka korof in na, a ye min fo a ka jama ye lasiri folo do tile tan ni saba, jumaseli kofe. A y'a ka kelejama bisimila a ka masaso la Banjagara, k'u bilasira ni nin jemukan ye :"Ni ce yoro jugutigi ma ye aw cero, siga t'a la aw be taa kala cenanaw ka minen ta ka na. Siga t'o la. Ala de sonna o ma" !

Ce yorjugutigi te doweré ye bilakoroya taamaseere

laburunbali ko, ka bo ceya la. O b'a jira ko hali keledenw cero, maa teere-jugu wëre si tun te bilakoro bo. N'ale tun taara keleyoro la, a ka c'a la, o kele daga tun be sigi u yere de da la.

An ka njanakoro ka tonkan ka maana lamé. A taara Masajan dogoya a ka dugu kono. O denke Bukayi koroba dimina k'ale fa te nen i kené kan ale ka balo yen ! A tun b'a fe ka t'a yere di njanakoro ka tonkan ma, k'a fa mons bo. A ba, n'o ye deninba ye, o y'a magen ka t'a fo a ye ko : N den, kana, koroto. Si te korotobaga la, awa se te korotobaga ye fana. i jo i ka teme solomadenya sira fe. N'o kera, n'i ma taa njanakoro ka tonka ka minenw ta, i ka tige n na ba ni denya la". O ye maanabola kan ye.

O b'a jira ko ceya soroli yere kera ceyaminen bererebere ye an bara yan. O yere de kanma, kitakaw ka Masa Makan jabate y'a fo a ka gafe do kono ko : "negé lakari ni korotelakari bee sanfe, ceya yere y'a danma kojugulakari ye" ! An k'an ka korolenw lakodon, n'o kera an be k'an yere ye, k'an ni diné bolo to nogon bo !

Tumani Yalam Sidibe

U ko

Lameriken jamana ye filiba saba de ke Iraki jamana bonniko la. A folo, o ye ko faamuyacogo ye. Iraki tun ka keleminen juguw tun be se ka bo a bolo ka soro kele ma ke ; a filanan, jamanaden gansanw nin be tine fu, u m'a min, u m'a bon ; a sabanan, diné jamanaw kódonna nogonma gansan ka ke jugukulu ni jugukulu ye. Kun foyi tun t'o la !

Zan Piyeri Arafaren
Faransi minisjémaa

Jamana danmadonin be se ka fara nogon kan, ka jamana were kele setigiya soro, nka hère te se ka basigi...

Dominiki De Wulepen
Faransi kofekow nénabò minisiri

Iraki kele in ye fenba de dankenemaya ne bolo : jamana bee ye fantatigi ye a bara, hali ni diné de jera k'a kele. Sew be nogon kan de, nka se te se sa !

Montana Gorosipéki
Kuba jamanden do

Jaa ! diné ka di dere. Nka maa t'o don fo ni dankari kera i ka horonya la. Irakikeli in dun ye funufunu de ye. Ma a b'a fine juwuliyo do, nk'i t'a kuncocyoro do sanko a maasiba dan !

Oroberi Mariki Zoberi
Ositarali herenini tigilamaa do !

"Kominismu" waati la, maaw ka wari sorota tun man ca, nk'u tun b'u negelafen bee soro. Sisan "kapitalismu" waati don, wari caman be soro nka negelafenw tilance te soro. Kapitalismu te wale numan ye, barisa a be n'ono ni n'ono go bee ke baaratigi ta ye, ka dalacela gansan di fasoden tow ma. Olu dun de ka ca !

Daniel Donorewa
Silowaki jamanden do

Selibaliya ni silameya, Ala be mögo sara konuma min bee kocogo numan na. N'i y'i sebe don a min ma, Ala bi barika n'o ye.

Ndayi Baba Jalo
Maanabola, ka bo segin

Mali goferenama ye jodaba di cikeduguw ka netaawalew keli n'u basigili ma

jekabaara ka san 2002 Zuluyekalo boko kono, an ye mali goferenama kura dantige aw ye. O jemukan kelen kono, an ye minisiri kura fila nenanomo olu la ka kuma u kan kerekerennenya la, ka masoro u joyoro ye jekabaara kunnafonisebenko la. O minisiriw ye Usumani Aminon Gindo (CMDT cikedaw yiriwa baarada "DTDR" nema koro, ani Gawusu Drabo (Mali kunnafoni jensebaaradaba "AMAP" nema koro). O sira kelen de fe, an sera Gawusu Drabo ma nin kalo in na, ale min ye mali kunnafoniko minisiri ye, a ka kuma an ye goferenama sigicogo n'a ka joyoro dilenw kan cikedaw ma. A ye taabolo minnu fo an ye, aw bena o de Kalan nininkali -jaabi ninnu kono.

Nininkali : Karamogo Gawusu Drabo, e de ye mali kunnafonikow minisiri ye. O b'a jira k'e de ye goferenama ka kumalasela ye. O kanma an b'a fe i ka kuma an ye an ka goferenama sigicogo n'a koro kan :

- **Gawusu Drabo :** Lanini fila de tun be jamanakuntigi la goferenama sigiwaati la sen kan. Lanini folotun ye ka jamakulu kelen kelen bese togolamogo soro goferenama kono (Politikimogow, jamanaden fasokanunicitow). Nka minisiriw ma sigi ten ka da u ka politikiko kan, u ka baara nedonni fana lajera. Hali mogo sugandilenw la, yelema donna o la. O desiratge la ne ye garisegé soro ka ye jamanaden fasokanunci la maa sugandilenw la. Goferenama in sigira sen kan "nogondeme goferenama" de hakilina kono. Goferenama don jamanaden bese b'i yere ye min kono, awa a be baara ke ni jamanakuntigi ka baara bolodalenw de lawaleyali Kadara kono. O te dwere ye jamanadenw ka haminankow nena boli baaraw waleyali k.

Nininkali : O b'a jira wa ko

fanga sinamatonko banna Amadu Tumani Ture ka san duuru nata waati bese kono wa, barisa bese ninyoro dira i ma goferenama in kono ?

- **Gawusu Drabo :** O t'a jira ko fanga sinamatonko banna ! fanga sinamaton ka nenanaya yere de ka ni. An be goferenama in san folo de kono hali bi. A be se ka ke maaw ka ko taafanw yecogo te ke kelen ye. O be se ka ye goferenama ka kuntillennaw la. Ni maa minnu y'a don k'o t'u kuntillenna ye, olu be se k'u senbo a la. Goferenama be yen, faso bulonba (asanbile nasonal) fana be yen goferenama ka baaraw kolosili kanma. I m'a ye ! Politikiton be ka maa ka ye goferenama kono, o t'a jira ko faso bulonba be sagamonsbila ke ten goferenama k ! Ayi, o te. Bulonba depitew be goferenama kolosi ani k'a segesegé sanga ni waati bese, n'a y'a soro a ka baaraketaw be don lanini ni sariya kadara kono. O b'a jira ko goferenama in labilalen te a ka baara ke min ka d'a ye, ko foyi t'a k. O la, an be se k'a fo ko hali ni maaw ma se fo sinamatonya hake la, kow taabolo la, bencogo koni b'a ke ko goferenama te yere labila ye. Kolosibaga b'a ka baaraw la !

- **Nininkali : !Maliden fanba (80%) ye cikedamaaw ye. Kabi Amadu Tumani Ture dun be fanga la, a ka waleya caman y'a jira an na ko cikelaw ka netaa y'a ka lanini kologirin ye. E min ye goferenama ka kumalasela ye, yali i be se ka mun fo an ye goferenama ka baara bolodalenw kan cikelaw ka netaasiraw boli la ; seneko ; monniko ; kungoko ; sirabako ... ?**

- **Gawusu Drabo :** I ye tige fo, n'i ko ko cikelaw ka netaasiraw boli ye goferenama ka lanini kologirin do ye ! O ye jamanakuntigi ka laniniba ye. A yere konna ka bataki lase minisiriw ma o siratge la, a b'a pereperelatige min kono ko feere bese ka kan ka tige walasa cikelaw

ka bongola be sabati ! A ka taama folo y'a lase mali mara folo kono o lanini de kanma. Awa a ka kosafeboli in bese y'a kunda cikedaw de kan (CMDT maraw ; Ofisi Nizeri maraw). O taamaw bese kera cikedaw donni noggona baa raw kadara kono (siradilanw) ; dunkafa nesorsiraw neginini ; ka neginini cikelaw ka gelyakow la ; ka ladalakow don ba la i n'a fo batige ni bamonw ... Cikelaw ka taane siraw boli ye goferenama kura in ka lanini belebele ye. N'an y'a kolosi an b'a ye ko yelemaba donna cike yiriwa minisiriso yere taabolo la. Kow kuntillenna tabagaya caman be bo jamana kunda, ka ke cikelaw yere bolo. Olu de b'a don mun y'u ka netaasiraw ye. Jamana be k'u demebaga de ye k'u ka netaa feere tigelenw waleya !

Jamanakuntigi ka bataki cilan be kuma an ka netaa senefenw donniko kan barika la, i n'a fo koori. Fen min ye dunkafa ye, o te sabati sumansene yiriwali k. O bataki kelen kono, jamanakuntigi da sera sikoltulu ni jirineji joyoro ma cikela ka soro la, an'o basigli. Jamanakuntigi y'a nini an fe fana k'an ka bayelmasenefenku k'an ka baara ye.

Jamanakuntigi ka lanini de ye cikela ka se k'a ka cikefenw nafa soro, ani jamana fana ka nafa soro jamana kono senefenw la. O dun te nesoro senefenw bayelema iziniw cayali ko jamana kono. O de kanma finidilan iziniw be sira la ka na ani jiriden bayelema iziniw. Jamanakuntigi y'a sinsin fana dunkafa sabatiliko kan nin waati in na. Salon goferenama kuntillennaba kera o ye. Nka ja nana k'o bali. Nka ninan, goferenama be ka feere bese sigi sen kan walasa ka jamanadenw ka baloko sabati. Minisiri min nesinnen be dunkafa sabatili ma, o ye suman di gansan maaw ma jamana mara folo kono. A do kera

A to beje 10nan

Taama dantigeseben

K'a ta mariskalo tile 18 na, ka taa se a tile 22 ma, san 2003, jekabaara sebennekela do ye taama ke San mara la, World Vision ka yamaruya kono. O taama in ye an lasa dugu 6 la, minnu ye : Daso, Fegeso, Denso, Dayelan Sobala, Ntoroso Ngolobugu, ani Jeli Nantogoso.

An ni nin dugu kofolen ninnu maaw ye kuma noggonya ke, minnu tun be boli u ni San World Vision ce baara noggonyaw kan. O hukumu kono, an selen ni dugu kelen-kelenna kono, cew ni musow bora k'an kunben bonya ni karama kono, ka fara nisondiya kan.

Min ye Dasokaw ni Fegesokaw ye, olu y'u ka nisondiya jira kosebe an ka nin taama in na ka jesin u ka dugu ma. U ka dugutigi ka fo la, kabini World Vision ni u ye yiriwali-baaran damine don min fo ka se bi ma, nin noggona taamaden tun ma deli ka se u ka duguw la fo World Vision ka yamaruya kono, u k'o tuma n'a man ne k'o tera, k'olu rena dower ke San World Vision nemaa dogotoro Dawuda Kulibali n'a baarakeloggonw foli ko. O temenen ko, dugumaa ninnu ye foli

kerenkerennen ke ka jesin Mamadu Kamara na. Ale ye World Vision ka baara ketaw kolosibaga ye suruntuna ADP la, ni nin dugu kofolen ninnu b'o fe. Dugumaa ninnu y'a jira u ka kuma la, ko Mamadu Kamara ka foli kerenkerennen in kun te dower ye, samiyé ni tilema, ale be taa-ni kasegin na olu ni World Vision nemaa hi noggon ce. K'o tuma, k'a ni foli ka kan. Ka d'a kan, bamananw b'a fu ka n sanan do la, ko : "nunu te san soro juru ko". O koro te dower ye, olu be deme fen o fen soro ka bo World Vision ka bolo kan, o taama fanba kembaga ye Mamadu Kamara ye. O temenen ko, Densokaw ni Dayelan sobalakaw fana ye u ka nisondiya jira an na taama in na. U ka dugutigi fila, n'olu ye Mama Kulibali ni Daramani Kulibali ye, ninnu y'u ka nisondiya jira kosebe ka foli kerenkerennen ke ka jesin Aruna Sise ma, ale ye San World Vision ka baaran kolosibaga ye Sanke ADP la. Densokaw ni Dayelan Sobalakaw ye kunnafoni caman d'an ma u ni World Vision ka yiriwalibaraw waleya cogo kan, minnu bena lase aw ma an ka boko nataw la, ni Ala sonna a ma. Min ye Ntoroso Ngolobugukaw ni Jeli Ngondogosokaw ye, olu fana ye u caman fo an ye a ni World Vision ka bolodijoggomabaaran nafaw kan. O temenen ko, olu fana ye foli

kerenkerennen ke ka jesin Jeli ADP baaran kolosibaga Zoze Goyita ma. Ka d'a kan, ale cesirilen u ni World Vision ce taamaw ni a kunnafoni dili la. K'o ye fen ye min segen ka bon, nka k'o bee n'a ta a cesirilen be o baara sabatili fe samiyé ni tilema bee. K'o tuma, k'a ni foli ka kan cogoya bee la.

Baara in daminenha here la, ka taa a kunce here la. O hukumu kono, jekabaara nemayaso togo la, an be foli ni walenumandon ke ka jesin San World Vision baaarakeloggonduguw bee lajelenma. Kerenkerennye la, an sera dugu minnu na an ka nin taama in senfe.

Kolosi : Baara in kera ka ne maa minnu ka cesiri ni timinaniya kono, olu ye :

- Mamadu Kamara, Suruntuna ADP baaran kolosibaga,
- Aruna Sise, Sanke ADP baaran kolosibaga,
- Zoze Goyita, Jeli ADP baaran kolosibaga, ka fara World Vision Ka mobilibolila waraba 3 kan, minnu ye : Amadu Kulibali, Lasine Kulibali, ani Abudulayi Bakari Guro Sise ye.

O tuma, an b'a jira jekabaara kalanbagaw la, k'u bena nin ADP kofolen ninnu kunnafoni soro an ka boko nataw kono, k'a damine zuwnekalo la, san 2003.

Yusufu Fané

Banmarakakaw ye nafa caman soro u ni World vision ka je la

Banmaraka ye dugu ye min be korodugu komini fe Yangaso kubeda kono, Bila mara la. A ni Yangaso ce ye kilometere 44 ye, tilebinyanfan fe. A dugumaaw ka baara fanba ye sené ni baganmara, ani jago misenniw ye tilema waati, ka fara nakobaara kan. O siratige la, san 1998, yenkaw ni World vision y'u bolo don noggon bolo yiriwalibaraw keli siraw fe. O bolodijoggoma-

kelen in sira fe, jekabaara ka ciden ni World vision ka lasigiden, n'o ye Mamadu Sogoba ye, u sera Banmaraka World vision ka yamaruya kono. U ni yenkaw ye baro ke u ni World vision ka baaran latemecogo kan u ni noggon ce. U ye kunnafoni minnu d'an ma, olu file :

Mahamadu Sise, n'o ye Banmaraka lakoliso nemaa ye, ale ka fo la, u ni World vision ka baara

daminena ni jirituru ye san 1998. A k'o san kelen kono, ale n'a ka kalandenw ye jiriju kemé noggona turu, ka fara dugumaaw ta kan, a ma min hake fan ye. O temenen ko, a ko World vision ye baara caman ke Banmarakakaw ye, i'n'a fo : Balikukalansojo, musow ka kalanko, semara yiriwali kalan, ka fara nakoko kan.

A to beje 9nan

ŋe 8nan to

Fen min ye jirituruko ye, Mahamadu Sise ka fo la, nafolo hake dōrōmē

20/020, (mugan o mugan) dugumaaw tun be dōrōmē 2 sara.

Fen min ye balikukalansoko ye, Siseke ka fo la, o nafolo hake bennna sefawari miliyon saba ni dōonin ma, dugumaaw ka bota kera min na sefawari dōrōmē ba bi woɔɔni duuru (65 000) ye, ka fara a farikololabaara kan.

Fen min ye balikukalan ye karamogo Dirisa Tarawele bennna do f'an ye o kan. Taraweleke ka fo la, World vision ka balikukalanko damine ni sisan ce, u ka dugu kono, k'a kera sababu ye ka maa 45 bo kunfinya dibi la, ce 25 ni muso 20, kalanden jolen maa 10 be soro minnu ccla. Nakoko hukumu kono, Amadu Tarawele min ye Banmaraka musow ne kalamene ye kolaben siraw fe, ale ye do f'an ye musow ka nakoko kan u ni World Vision ce.. A ko k'a be san damado bo, u ka maaw ye nakoko lapini ke World vision fe, n ka, ko Ala y'a latige ninan san 2003 de kono. Ko o siratige la, ninan u nana ni nakofensi caman ye, i n'a fo beterefu, salati, supome, pomuteri, jaba, tamati ani fen caman werew, an da ma se minnu ma. Taraweleke ka fo la, nakofensi ninnu dira u ma deme kanma. A ko fen min ye nakofensi ninnu songoko ye, n'a bora pomuteri la, u ma tow sansongo fo u neña. Ku koni y'a jira ko ni fen ninnu sabatira, n'u y'u feere, k'a wari be to u yerebolo yen.

An ni Banmaraka cew ka kumajogonya bannen, u ka dugu balikukalan musow ka karamogo Mama Tarawele kumana an ye a ka musojekulu ni World vision ce baaraw latemecogo kan. A ko World vision ye yiriwalibaara caman ke ka nesin olu ma, i n'a fo safunedilan, keneya sabatiliwalew, denw ka bolosuman b'o la, ka fara u ka bolo nafamaw dilanni kan. O temenen ko, a ko fen min ye saniya sabatiliwalew ye, ko World



Banmaraka Baliku kalanso

vision y'u kalan o bee la f'u ye faamuyali soro o la, i n'a fo ka saniya i farikolo n'i donfiniw la, ani i ka dumuni dunta, ka dugukonona saniya, ka fara i siso kan ani ji minta.

Fen min ye safunedilan ye, baara daminen o min kan, Mama Tarawele ka fo la, o dilanminenw sanni musaka mume bennna sefawari dōrōmē ba mugan (d 20 000) ma, dugu ka bota kera min na sefawari dōrōmē ba saba (d 3 000) ye. World vision y'a to sara. O kofe, a ko an be don min na i n'a fo bi, ko sefawari dōrōmē ba duuru (5 000) ka kan ka soro a kan ka soro a ka kesu kono tono ye, safunedilan ye min lase u ma kalo damado kono. Denw ka baloko siratige la, Mama Tarawele ye do f'an ye o baara waleyacogo la u fe Banmaraka. A ko juma o juma, k'u be denw ka bolo suman, ni balodese taamasiyen yera fen o fen na, k'u be monimugu nafama do feere o denmasina woloba ma, o b'o dilan ka d'a den ma. Nka, monimugu feereta caya n'a dogoya, o be soro den yere cogoya la.

Sabu ni den bolo sumanna, ni sumannikelan sera bileman ma, mananin 3 walima 4 be di o den ba ma.

N'a danna neremugu la, 2 be d'o ma, n'a danna binkene la, mananin kelen be d'o den ba ma

sanni bolosuman were ce. Sabu o b'a jira k'o tigi ka den balocogo ka ni.

Mama Tarawele y'a ka kuma kunce ni saniya ni beeseyya nafa foli ye an ye. Sabu saniya ni beeseyya kebaliya be bana caman lase hadamaden ma, i n'a fo konoboli, togotogonin n'a nogonnaw.

Mama Tarawele ka kumajogonya foorilen, an y'an nesin u ka duguyiriaton neemaaba ma, n'o ye Bala Tarawele ye. A k'u ni World vision ka baaranjogonya hukumu kono, a ye caman ke u ye yiriwalibaarako sira fe. Nka, ko hali bi, u be deme nini u fe Jurudonkesuko sira fe. Ko n'u sera ka Jurudonkesu do sigi. BanMaraka, k'o tun be diya u ye kosebe. A y'a ka nisondiya jira kosebe u ni World vision ka bolodijognmabaaraw nafaw soroli kan u ka dugumaaw fe. O temenen ko, dugutigi y'a ka kuma kunce ni foli ni dugawu ye ka nesin World vision baarakelaw bee ma. Kerenkerennenya la, Mamadu Sogoba ni Adama Sogoba. Olu minnu ye World vision ka kalanko ni seneko kolsibagaw ye, n'u ni olu de be baara ke nogon fe.

Kobsili : An ni Mamadu Sogoba de ye nin taama in ke nogon fe, World vision ka yamaruya kono.

Yusufu Fane

Né 7nan to

Moti mara fana kono ani jamana woroduguyanfan maraw. Awa o baara bëna to senna. A yera fana ko monni ye nafasorofenba ye min tun joyoro lakika ma dñ. Baganmara fana b'o cogo la. O de kanma, goferenama ye feerew sigisen kan walasa monnikelaw ni baganmaralaw be nafa sorø u ka baara la, ni jamanadenw fana be bø u nunma a nema. Baarabolow sigira sen kan o hakilina kono, monni ni baganmara kanma. Goferenama bëna baara ke cikeduguw ka taane kadara de kono. N'an yere ye baarabolow laje, i n'a fo PRODESO ani PRODEKA, fo ka se Azetipu taabolo ma, ninnu bëe ka lanini ye cikeduguw ka taane feerew tigeli n'u waleyali de ye. N'an donna falaw kono, goferenama ka laniniba do ye sira-ko ye. Ni siraw te yen ka yorow bila nogon na, netaa te se ka sabati. Barisa senefenw sannifeereko be geleya. O boen ko yen, cikelaw ka minenko fana ka kan ka nejini. An be waati min na sisan, minen de be baara ke. Kosa in na falakenebaw koronbokari kera. Ninnu bëe ye kuntilennaw de ye goferenama bëna baara ke kadara min kono, walasa cikeduguw ka taane be sabati.

- Jininkali : *E de ye kunnafoniko minisiri ye. Kabi an ka jamana ka yemahoronya tara, a be fo ko ka fasokanw don barika la. Nka tine yere la an ka baara bëe be ke*

naansarakan de ka sankorota kadara kono. E bëna mun ke wala-sa ka danmakejëe don naansaraka kunnafonisebenw ni fasokan kun-nafonisebenw ce ?

- Gawusu Drabo : Tumani ! e ni ne ye nogon lasorø fasokan kunnafoniseben de kadara kono. Awa an jera ka baara ke o kadara de kono. An ye nogon baarakelohogonw de ye. An man kan ka ninë an sindi o ko. Fo ka se bi ma, fasokanw lataajeli nafa yera arajow de fe, barisa olu b'a fo, awa bëe b'u lamën. Nka, e yere min ye an barakan kunnafoniseben sebennikela nana ye, i y'a kolosi i ka wulikajow senfe ko cikelaw be kunnafonisebenw kalan a nema an barakanw la, barisa a ka c'a la, u be min kalan o sebenw kono, u t'o men arajow la. Kunnafonisebenw be don kunnafoni ne misenw bëe fe, ani ka kuma u taabolo bëe kan u kalanbagaw ye. Ne dalen b'a la tine yere de la, ko joyroba de be fasokanw kunnafonisebenw la, fasodenw bilasirali n'u kunnafoniko numan na. Kerenkerennenya la cikelaw. Bi bi in na, cikelaw makoba de be kunnafoni na u ka baaraw taasiraw sabatiliko la. Kunnafoni de be mögo bilasira a nema. I k'a dñ kow lahalia be cogo min na, i ka sigida kono, an'i ka jamana kono. I ka bo jama-na nere konckow kalama i ka baara taasira fe. Cogo si la an barakanw kunnafonisebenw te se ka ke bolokofefenw ye.

- Jininkali : *I ka kumakuncew dun ?*

- Gawusu Drabo : Bi bi in na, n'y'a f'i ye cogo min, baarakeminew de ka kan ka bila cikelaw ka bolo kan, ani ka feere bëe tige walasa o minenw k'u nafa a nema.

Ne ka kuma laban ! i m'a ye, an ka kan k'an sako ta fen fila de ni nogon ce : walima an ka to taasira koro kan, k'an ka manumako minë an tege kono, k'a ke don o don nimisakanfø ye, walima an k'a nini ka yelema don baaraw k'cogo la, ka ben dije cogoya yere ma. K'a nini k'an ka bongola waley. O de kanma feerew de be tige walasa jamanaden bëe b'a joyoro fa tine lakika yere la faso ka taane baaraw waleyali la, kerenkerennenya la cikelaw, olu minnu ye jamanaden fanbaw ye. Netaabaara caman de be cikela bolo, a be se ka deme ka minnu waley, ka nafa sorø. N'an donna Ofisi Nizeri kono, dugukolo tari miliyon kelen (1000000) de be yen, cikelaw be se ka minnu labarra, n'u labenna a ye. Awa, wulikajo minnu be ka ke bi bi in na cikedugukolow ni cikedaw labenni na, a be san mugan (20) nogon bo, o waley nogon ma ke. Ofisi Nizeri labaaracogo b'a jira an na ko yecogo wëre be cikela togolakunkow sirabolli n'u nenaboli la. Cikela yere de y'a yere ka netaabaaraw waleyabaga ye. Nka feere bëe ka kan ka tige walasa a b'o baara ke a nema. Goferenama b'o baara de la. N'an sera CMDT maraw kono fana, an be t'a sorø ko koorisene dafé, sumansene be ka don barika la dunkafa sabatili kanma. Fen min ye nafasorø senefen werew ye, olu fana be ka don barika la. An be don min na i ko bi, feere bëe be ka sigisen kan seneko minisiriso la walasa cikelaw be bo nogø la u ka baara ketaw la. Joyroba de be cikeduguw ka yiriwali feerew tigeli n'u lawaleyali la an bolo. Barisa siga si t'a la, mali yere ka netaasira a barikama be teme cikeduguw de fe. O kanma, cikelaw be joyroba de ta an ka san nataw baara bolo-dalenw la.

Jininkali këbaga
Tumani Yalam Sidibe



Gawusu Drabo

An ka yele doonin : Don bee nana si man ca

Kodowarikels waati gelenw kono, a dafejamanaw bee tun ye do fara kolosi taabolo kan, walasa ka nanamujanamumaaw bali ka tijeniw ke. O de kanma, su o su, hali ka soro su waati tannifilan tun ma se folo, n'an k'o ma ko "minuwi", lakanabagaw (polisiw) tun be wulikajo damine. N'u ni maa o maa tun kumbenna ka soro bugunnatigeseben si t'o bolo, u b'o mine k'o bila u ka mobili kono, ka dugulamini to ke n'a ye, ka laban ka t'o bila u ka waatilatemekasobonnin kono. Ni maa min t'o danbetejne fe, o tigi be sefawari doreme kembe wooro (600) sara polisiso la, k'i ka yemahoronya soro, k'i ka so segere. Cenin do tun be Bamako kin do la. Ale somina fen kelen na. I komi ale ka so ni polisiso man jan, ni polisiw tun y'ale ye sigida fan were fe, k'ale nato to a ka so, n'u y'a nininka a ka bugunnatigeseben na, a b'a bolo ke k'a ka kulusi n'a

ka duloki posiw gosi-gosi, k'i kanto ko : "Ee Ala ! Ne ninena n ka seben ko so dere". Polisiw b'a mine k'a bila u kun mobili kono, ka duguyala ke n'a ye, ka soro k'u kunda politiso kan. N'u sera yen, cenin boro mobili kono poliso dunkenemana na, a b'i kanto i koro ko : "Aa ! N ka bugunnatigeseben be n kun dere, aw yelen jawuli de tun y'a ke n'm'a ye". N'o kera a b'a ka bugunnatigeseben bo k'o jira polisiw la. Olu fana be yele, k'a labila ! A be teme n'a sen ye, k'a ka so segere, i komi o ni polisiso tun man jan. Cenin tora o kewale de la sa. Foyi dun danmateme ma ni ! A tora o la fo polisi kamalennin do y'a lakoosi. Don do suf, cenin y'a yere bila kene kan polisiw nekoro tugun. U y'a mine, barisa a ko k'a ninena a ka bugunnatigeseben ko so. Polisiw y'u ka dugulamini to ke n'a ye. Su waati jan selen, u y'u kunda polisiso kan n'a ye. U selen yen

dukeneema, cenin y'i kanto ko : "Ee Ala dere ! jaa n ma niue n ka seben ko, aw yelen de tun jawuli bonyana n kan, nonte n ka seben file".

O yoronin, polisi kamalennin do ye senfarane kelen k'a la, fo k'a firi a da kan. O y'i kanto a ma ko : "Hali ni kira jiginna bi, i be an ka kembe wooro sara, walima i be tile saba k'an bara yan, kaso la. Dandagen, e m'a don ko fen si danmatemnen kasa juguntan te wa ! Don o don, an b'i ta k'i layaala gan san, o tuma e ka denkundi diyara n'an ta ye wa ?"

Aa ! Nin don in na, cenin y'a don ko dansigidon be nana bee ka waati la. Kemebiye danmado tun b'a kun. A y'o bee di polisiw ma ni neji ye. U y'a bila. A ni mone taara si a baara o don !

Ali Dolo
Jamana baarada maa do

Filatilen

Jekabaara boko kosa kono (Awirikalo, san 2003) fili y'an soro. Katimu min folo tun ka kan ka don ne 3 la (kooris kuraw bena sen 2003/2004 baarasan na CMDT maraw kono) o ma don. A sebennen be filitabolo la yoro min ko (tableau 1), katimu in be don yen de. Ale be tali ke koori kalite kuraw tilacogo la CMDT m a r a w kono. An be yafadeli ke ka nesin jekabaara kalanbagaw bee ma, an'an baarakelognouw bee. U k'an m a k o t o . Den be bin a tabaga de b o l o . Katimu folo in file nin ye. Ale ni kati-

mu filanan, min bora jekabaara kono, de be nogon dafa. Fen min ye fili filanan ye, o boko kelen kono, o be tali ke nafolo hakeko kun kan, (Nanpasokaw ni World Vision ka jenogonya kono, ne 8 kan. A sebenna ko : sefawari doreme : 40 000 180 O te. A y'a kalan ko : sefawari doreme 40 180 (cemannce fu saba ye fili ye).

Jekabaara

CMDT cikemaraw	Kalitew kenehake tarikene na							
	NTA 88-6	NTA 90-5	STAM 59-17	STAM 279-17	NTA 93-2	NTA 93-15	STAM 18-17	Kuuru
Buguni	29 106	-	59 839	6 444	111	-	-	95 500
Fana	-	47 294	53 206	-	-	-	-	100-500
Kucala	1 439	11 512	117 128	-	-	2 488	93	133 500
Kita	-	14 250	20 750	-	-	-	-	35 000
San	-	-	46 500	-	-	-	-	46 500
Sikasso	-	20 000	58 379	8 244	3 377	-	-	90 000
CMDT hake	30 545	93 056	355 802	14 688	3 488	2 488	933	501 000
OHVN hake	24 380	6 740	6 880	-	-	-	-	38 000

Nsurin

Ko bce n'a kun don

Nin kera furunogonma fila ye. Dugukolo n'a muso Bintili. U ye san caman ke furu la. Nka bce n'a jogo numan don cogo min, bce n'a jogo jugu don o cogo kelen fana na.

Bintili tun ye muso danga ye. O de tun man di ale ce ye. Waati bce a furuke Dugukolo tun be a fo a ye ko : "i ka sokon na nogolen be ; i ka baarake minenw nogolen bce, awa i yere donfiniw nogolen be. A laje i k'i yere senuya". O ladilikanw kera fo ka caya, Bintili ma yelema don a jogo la. O de kanma, don do, a ce Dugukolo k'a ma ko : "N y'i ladi ka des. Ne dun te se k'i ladon dangaya in kan. O kanma, i ka minenw ce i ka taa i fa baara. Ne n'i ka furu banna bi". O don de Bintili kamanaganna, ka soro a ma fe goni dun.

A wulila ka don dugu kono, ka kufetaama damine. A be ka taa waati min, a dombaga musokoroba do y'a temeto ye. Ale tun m'o ye. Musokoroba, o, n'o ye Ba Sabunuman ye, o y'a wele. Bintili sera o ma. O y'a ka nininka ko : "Ee ! N den Bintili, e t'i cogo koro la de. Mun dun b'i la bi ? "Bintili ye musokoroba jaabi ko : "Ee ! Ba Sabunuman, i

buranke de ye n ka minenw fili kenema, ka n gen ko n ka bo a bara. O de kamanagan be n na": Musokoroba Ba Sabunuman, k'a ma ko : "Mun dun koson, n buranke y'i gen ?" Bintili y'a genni kun fo musokoroba ye. Ba Sabunuman k'a ma ko : "Ee, n den, i kana son cogo si la tulo fila ka nin men. E m'a ye, muso dangan ladonyoro te ce hakilima si ka so". Ba Sabunuman k'a ma ko, "i komi furu don, an bena labencogo nini nin na, nka i kana son a nogon were k'i soro dere !" O yoronin, Ba Sabunuman donna a ka so kono, ka bo ni gaari ye. A ye kuruyoro naani k'o la, ko di Bintili ma, ni nin kan ye : "N den, n be nkalon in d'i ma i ka t'a koro bo. N'a wolora fen min na, an n'o ye.

Nka, tana kelenpe de b'a la. A te nogon fe. E yere ka je ; i bolominenw n'i ka sokonona ka je. O de b'a to i bolofen in be jarabi !"

Bintili taara a ka so. A ye beseyra k'a taalan ye. A ko diyara a ce ye haali. O y'a kanu ni kanu ye, o tun ma deli ka min nogon soro a la".

Bintili nisondiyara kosebe. O de kanma a sera a terimuso ma

k'a nini o fe k'u ka taa foli lase a ka walejuman musokoroba do ma. U selen Ba Sabunuman musokoroba bara, Bintili y'i dantige o ye nin cogo in na : "Ala n'i ka taafo kanma, ne ni n ce ka kelle banna bi. A ye taafe saba bo k'a b'o d'a ma walejumandofen ye.

O yere tun banna taafew la ko barisa ale m'a ka baara ke fen were kanma ni furu bonya te ! U y'a deli, f'a y'u min. Nka, a ko u ma ko : "N b'aw ka taafew min ka da ko n'a koro kan. Aw k'a don, ne ma fen were di aw ma gaari gansan ko. Aw ka furu geleya tun b'aw yere bolo... O te doweré ye nogolenya ko. O min tun man di aw ce ye. A file, aw beseyra, awa aw ce kera aw fe. Aw m'a ye, bce b'a ka geleya kun don ka soro ka se mori wali-ma doma bara".

Hun nslirin dare aw ye
Mamadou Ndiaye Travels
de te ke na Hamdalayi
kin na Bamako

Saganlaci

Jekabaara sebnnikejekulu ka fara
Jamana baarakela bce lajclen kan, k'u
nisongoyalen be tenisiraw ni balimasiraw
ladonniya, k'u ba, u buramuso an'u
momuse, n'o tun ye madamu Diko Awusa
Suko ye, n'u baarakenogon
Abudarahamani Diko woloba tun don, k'a
faatura Jumadon, Awirilikalo tile 18 . Ala
ka dayoro sumaya



Jekabaara
Laboukuntigui Sabunuman kundji
Tumani Yalam Sidibe
Sebennakulu Yusufu Fane
Bakari Sangare
Usumani N Tarawele (CMDT)
Tumani Yalam Sidibe
Demagogon
Fanta Kulubali
Idirisa Setigi Sako
Bonifasi Danbele
Ngaraw kabade
Yakuba Jara ko Kayi
Lepenbagal ordinatoria la
Worokiyatu So
Saarakengon
CMDT-World Vision
Ofisi Nizeri-Ofisi iri-OHVN
Haka hota 11000
Bataklisira : 2043
Nogjurusita : 229 62 89
Jamana baarada-Seki zayedti togola
sira-Hamdalayi kin -Bamako